

München 18. März 2010



Jugendorganisation
Bund Naturschutz

Landesstelle
Trivastraße 13
80637 München
Tel. 089/159896-30
Fax 089/159896-33
info@jbn.de

Gstanzl Olympia Bewerbung 2018 von Kurt Heine

Da Bogner übergibt heit de Bewerbung
Für'd Olympiade 2018
Wer as IOC am besten schmiern ko
Ja es werma na scho segn

A Olympiade is a Ereignis
Des wos bloß alle vier Jahr kimmt
Wenn ma se so lang auf so ebbs gfreit
Waar schad wenn Korea uns des nimmt

A Winter Olympiade
In München des geht blos bei Föhn
Weil dann hot ganze Weiod den Eindruck
Dass d'Berge bis nach München gehn

A Olympiade is für'd Sportler
Von da Karrier des Traumevent
Weil nur Olympia zoagt wer richtig dopn ko
Und mit de Ski am schnellsten schiaßt und rennt

A Olympiade de is nachhaltig
Dem Birkhuhn koana werd wos do
A paar neie Pistn und snow clusters
Danoch hod a jeda wos dafo

A Olympiade had Sponsoren
De ham scho lang fui Geld higlegt
Net zum ausmoin wens zwegs des Umweltschützer
Den Marketing Effekt zerlegt

A Olympiade is wos bsonders
Millionen san am Fernseher mit dabei
Drum lasst se München so wos kostn
A paar Milliarden Schuidn derfa sei

Fürd Olympiade wern d'Berg aufgrüst
Für a Mega Fun Event
Schiaßen eiskoide Schneekanonen
Statt Pulverschnee an Schneezement

De neie Technik, de schiasst schneller
Ois wie as Klima se erwärmt
Koa Bergdorf wird mehr isolvent
Wenn's de neia, nachhaltigen, staatlich genehmigten und vom Seehofer klimamäßig
abgespeckten mit Regenwasserrückhaltebecken spritzenden, lärmarmen,
vegetationsschonenden, vom Bischof eingeweihten Mittelstreckenkanonen
Beschneigungsanlagen Modell Frau Holle 3 kennt

Und langt des net dann hol man Schnee
Wenns sei muaß bis aus Österreich
Verteil man auf da Kandahar
Mim Hubschrauba is des net schwarz.

Nach da Olympiade bleibt's Hallenbad gschlossn
Und in da Schui wird'd Heizung obe draht
Sportler ham zwar ihre Medallien
Aber Gemeinden ihr Milliardengrab